

Ա. Մ. ՊՈՂՈՍՅԱՆ, Ռուս-հայ բարեկամության պատմությունից (19-րդ դարի ռուս-թուրքական պատերազմների Կովկասյան ռազմաճակատում), «Հայաստան» հրատարակչություն, Երևան, 1974, 294 էջ

Հայ ժողովրդի աղյալին-աղատադրական շարժումների պատմության մեջ Ռուսաստանը սկսական դեր է խաղացել Սկսած արդեն XVII դ. երկրորդ կեսից, երբ հաստատուն քայլերով պատմության բևեռարթակ բարձրացավ ռուսական մեծ պետությունը, հայ ժողովրդի աղատադրական պայքարի հետոսես զործիշներն իրենց ժողովրդի աղատաբաղձ ոգորումները շաղկապեցին Ռուսաստանի հետ, նրանից ակնկալելով օտարերկրյա բռնապետությունների դժնի լծի թոթափումը։ Հետագա դարերի իրադարձություններն անհերքելի ապացույցն հանդիսացան բաղաբական այդ ընթացքի, հայ ժողովրդի աղատադրական մտքի ռուսական կողմնորոշման։ Երկարատև այդ պատմական ժամանակահատվածում կարևոր իրադարձություններով հզի էր հատկապես XIX դ., որը դրեց հայ և ռուս ժողովուրդների դարավոր բարեկամության շատ հիմնաքարեր, ինչպիսիք էին Արևելյան Հայաստանի միացումը Ռուսաստանին, ռուս և հայ զենքերի ռազմական համագործակցությունը XIX դ. ռուս-պարսկական և ռուս-թուրքական պատերազմներում, ռուս հեղափոխական ղեմավրատական մտքի աղղեցության տակ հայ հեղափոխական ղեմավրատական մտքի ասպարեզ գալը, հայ ժողովրդի դասակարգային պայքարի միացումը ռուս ժողովրդի դասակարգային պայքարին և այլն։

Գրախոսվող աշխատությունը նվիրված է թվարկված հարցերից մեկին՝ XIX դ. ռուս-թուրքական պատերազմների Կովկասյան ռազմաճակատում հայ ժողովրդի զինական մասնակցությունը Թուրքիայի դեմ ռուսական զենքի պայքարին։ Հայ ժողովրդի զինական օգնությունը ռուսական բանակներին իրավացիորեն զիտելով իբրև հայ ժողովրդի աղղային-աղատադրական պայքարի ուրույն գրսևորումներից մեկը, աշխատության հեղինակը արիսիվային վավերադրերի և պատմագիտական դրականության ընձեռած հարուստ փաստերով ցույց է տալիս հայ ժողովրդի զանգվածային մասնակցությունը XIX դ. ռուս-թուրքական պատերազմներին, նսյատակ ունենալով իր հայրենիքի արևմտյան՝ մեծագույն մասը աղատադրել օսմանյան լծից, հարթել աղղային ու սոցիալական զարգացման համեմատաբար նպաստավոր ուղի։ Ա. Մ. Պողոսյանը համոզիչ փաստերով ապացուցում է, որ Կովկասյան ռազմաճակատում ռուսական զենքի հաղթանակները զգալապես պայմանավորված էին՝ նաև հայ ժողովրդի բարյացակամ վերաբերմունքով, նուրթական ու զինական օգնությամբ։ Մատնացույց անելով հանգերձ ցարիզմի վարած քաղաքականության նվաճողական բնույթը, նա չի մոռանում նաև այն կարևոր պարագան, որ ստեղծված պատմական պայմաններում ցարական Ռուսաստանի քաղաքականությունը դրական, առաջագիմական նշանակություն ուներ հայ ժողովրդի համար, որովհետև հնարավորություն էր ստեղծվում թոթափելու օսմանյան սուլթանական վայրագ լուծը և կանգնելու տնտեսական, քաղաքական և մշակութային կյանքի զարգացման անհամեմատ բարենպաստ ուղու վրա։

Ա. Մ. Պողոսյանի աշխատությունը բաղկացած է ներածությունից և չորս գլուխներից, որոնք բավական պատկերավոր խորագրեր են կրում՝ «Կոփվում է մարտական համագործակցությունը», որը վերաբերում է 1806—1812 թթ. ռուս-թուրքական պատերազմին, «Հայ ժողովրդի պայքարը ռուսական բանակի հետ» հանուն Արևմտյան Հայաստանի» (ընդգրկում է 1828—1829 թթ. պատերազմը), «Ղերմի պատերազմը և հայերը», վերջապես, «19-րդ դարի անձնվեր զինակցության վերջին գրվագը», որտեղ խոսքը 1877—1878 թթ. ռուս-թուրքական պատերազմի մասին է։

Աշխատության առաջին գլխում հեղինակը ցույց է տալիս, որ արդեն իսկ ռուսական տիրապետության ծավալումը Անդրկովկասում բորբոքեց հայ ժողովրդի աղատադրական նկրտումները, որովհետև ի դեմս Ռուսաստանի նա տեսավ այն ուժը, որը ի վիճակի էր վերջ տալու արևելյան օտարակալությունների հաստատած աղղային ու սոցիալական անհանդուրժելի վարչակարգին, ստրկացված ոսյայի գրույանը։ Չնայած 1806—1812 թթ. ռուս-թուրքական պա-

տեղադրման տարիներին Կովկասյան ռազմաճակատում առանձին խոշոր մարտական գործողություններ չծավալվեցին, այսուհանդերձ, պատերազմը թուրքական կայսրության Անդրկովկասին սահմանակից հայկական նահանգների հայ ազգաբնակչությանը հույս ներարկեց, որ ժամանակի ընթացքում ռուսական զենքի հաղթանակը նրանց փրկություն կբերի դարավոր տասապանքներից: Ճիշտ է նկատում հեղինակը, որ այդ տարիներին դրվեց այն մարտական գիտակցության հիմքը, որը լայնորեն պիտի դրսևորվեր ռուս-թուրքական հետագա երեք պատերազմների ընթացքում:

Հեղինակն իր աշխատության երկրորդ զուգարմը նվիրել է 1828—1829 թթ. ռուս-թուրքական պատերազմին, որը տեղի ունեցավ մի ժամանակաշրջանում, երբ, ընայած նապոլեոնյան Ֆրանսիայի դեմ տարած հաղթանակից հետո եվրոպական միապետների ստեղծած ռեակցիոն «Մեր-բազան զաշինքին», հեղափոխական և ազդային-ազատագրական շարժումներ ծավալվեցին ոչ միայն Եվրոպայում, այլև Օսմանյան կայսրության տարածքում, մասնավորապես ազգային-ազատագրական պայքարի ելավ հույն ժողովուրդը: Պատմական այդ ժամանակահատվածը հայ ժողովրդի համար ես լի էր բախտորոշ իրադարձություններով: Դրանցից ամենակարևորն այն էր, որ Արևելյան Հայաստանը ազատագրվել էր պարսկական երկարատև լծից, ստեղծվել էր Հայկական մարզ, որը հայկական պետականության վերականգնման հույսեր էր ներշնչել հայ ժողովրդին: Ահա նման պայմաններում սկսվեց ռուս-թուրքական 1828—1829 թթ. պատերազմը, որը հայ ժողովրդի արևմտյան հատվածը դիտեց իբրև փրկության և Հայաստանի միավորման մոտալուտ ժամ: Բազմաթիվ փաստերով հեղինակը ցույց է տալիս այն խանգալառ ընդունելություններ, որին արժանանում էին հաղթական ռուսական զորքերն Արևմտյան Հայաստանում: Դա չէր արտահայտվում սոսկ նյութական օգնությամբ և բարեկամական ցույցերով: Ամենուր հայերը զորաջոկատներ էին կազմակերպում, պահակային ծառայություն կատարում, հանդես գալիս իբրև կապավորներ և ուղեցույցներ: Եվ որքան խորն էր ապրած խնդրությունը պատերազմի սկզբին և ընթացքում, նույնքան խորը եղավ հիասթափությունը Ադրիանապոլսի պայմանագրից, երբ գրաված տարածքը գրեթե ամբողջությամբ վերադարձվեց Թուրքիային: Հայ ժողովրդի տարերային զանգվածային գաղթը ցույց տվեց, որ այլևս նրա համար անհանգուր-ժելի է թուրքական լուծը, որ նա հաստատակամորեն իր բախտը կապել է Ռուսաստանի հետ: Դա էր 1828—1829 թթ. ռուս-թուրքական պատերազմի անառարկելի դասը:

Գրքի երրորդ զուգարմը նվիրված է Ղրիմի պատերազմի Կովկասյան ռազմաճակատին: Հայտնի է, որ Ղրիմի պատերազմը ավարտվեց ցարական Ռուսաստանի պարտությամբ՝ որպես իրենց դարն ապրած ճորտատիրական-ինքնակալական կարգերի հետևանք: Այս պատերազմում ևս, ընայած պատերազմող երկու կողմերի համար էլ նրա անարդարացի բնույթին, Օսմանյան կայսրության ճնշված ժողովուրդների համակրանքը Ռուսաստանի կողմն էր: Գրքում բերված փաստերն անառարկելիորեն համոզում են, որ Ղրիմի պատերազմի ժամանակ ևս հայ ժողովուրդը լայն զանգվածային մասնակցություն ունեցավ Կովկասյան ռազմաճակատում ծավալված մարտական գործողություններին, և եթե Կովկասյան ռազմաճակատում ռուսական զորքերը տարան փայլուն հաղթանակներ ու դրանով իսկ թեթևացրին Փարիզի հաշտության ծանր պայմանները, ապա դրանում անմասն չէր նաև հայ ժողովուրդը:

Հայ ժողովրդի պատմության մեջ խիստ կարևոր իրադարձություն էր 1877—1878 թթ. ռուս-թուրքական պատերազմը: Այդ պատերազմում ևս մեծ էր հայ ժողովրդի, նրա կամավորական ղորաջոկատների դերը: Այդ առումով հեղինակի բերած փաստերը պերճախոս են: Մեր կարծիքով, 1877—1878 թթ. ռուս-թուրքական պատերազմը իր նշանակությամբ զգալի չափով համահունչ էր 1828—1829 թթ. ռուս-թուրքական պատերազմին: Այս անգամ ևս բավական իրական հեռանկարներ էին բացվել արևմտահայերի ազատագրության և Հայաստանի միավորման համար. պատերազմի հետևանքով միջազգային դիվանագիտական հարց դարձավ Հայկական դատը: Սակայն այն ևս, Արևելյան հարցի նման, դարձավ եվրոպական մեծ տերությունների առևտնախառնարկ և թանկ նստեց հայ ժողովրդին: Փաստորեն հայ ժողովրդի տված զոհերը և թափած արյունը զուր անցան: Բայց դրանք եկան ապացույցելու այն անվերապահ վստահությունը, որ տածում էին հայ ժողովրդական զանգվածները դեպի Ռուսաստանը, դեպի ռուս ժողովուրդը:

Ա. Մ. Պողոսյանի գրախոսվող աշխատության կարևոր արժանիքներից մեկն այն է, որ ռուս-հայ բարեկամության հիշյալ նշանակալից դրվագներն այն դիտարկում է պատմական լայն ֆոնի վրա: Հեղինակն իրավացի կերպով բավական մեծ տեղ է հատկացրել եվրոպական խոշոր տերություններին, մասնավորապես Անգլիային, դիրքավորմանը ռուս-թուրքական հարաբերու-

թյուններում: Սկզբից մինչև վերջ աշխատության մեջ կարմիր թելի պես անցնում է այն անհերքելի միտքը, որ անգլիական կառավարության հսակենտրոն քաղաքականությունն այն խոչընդոտն է, եղև, որ մշտապես խանգարել է հայ ժողովրդի ազատագրված նկրտումների իրագործմանը: Մղվելով անգլիական կապիտալիզմի պաշտպանության քաղաքականության շահերով և դրանից բխող լուրրական կայսրության համբողջականությունը՝ անխախտ պահելու ձգտմամբ, XIX դ. ռուս-թուրքական բոլոր պատերազմների ընթացքում բուրժուա-արիստոկրատական Անգլիան միայն մեկ նպատակամղում է ունեցել՝ թույլ չտալ Ռուսաստանին իր ազդեցությունը տարածելու Օսմանյան կայսրությունում, մինչդեռ Ռուսաստանի քաղաքականությունը միշտ էլ օրյակտիվորեն համընկել է Անգլիայի կողմից Եաննենմիսիյա և Օսմանյան պահպանվելիք Օսմանյան կայսրության մնչված ժողովուրդների ազատագրական ձգտումներին: Ավելին, Անգլիան ջանացել է սատարել Անգրկովկասում թուրքական էքսպանսիային, մաղաչափ իսկ հոգ շտանելով, լին որպիսի դեմի Կոնստանդնուպոլսի անգրկովկասյան ժողովուրդների համար: Այդ առումով իրավացի է հեղինակը, երբ եզրակացնում է, որ հայ ժողովրդի ցույց տված օգնությունը ռուսական բանակներին նաև նշանակալից ավանդ էր թուրքական էքսպանսիային Անգրկովկասում ձախողելու դրոժում:

Ճիշտ է հեղինակի այն պնդումը, որ, ընայած Կովկասյան ռազմաճակատի օժանդակ նշանակությանը, XIX դ. բոլոր ռուս-թուրքական պատերազմների արդյունքներում Կովկասյան ռազմաճակատի լուրջ անձ է եղել: Գործելով Արևմտյան Հայաստանի տարածքում, հայկական հոծ զանգվածներով բնակեցված և բարեկամական միջավայրում, ռուսական զենքը այստեղ միշտ էլ նշանակալից հաջողությունների է հասել, ընայած ռուսական Կովկասյան բանակի փոքրամիջակայք: Այդ առումով, ինչպես արդեն նշել ենք, հատկանշական է Ղրիմի պատերազմը, երբ շնորհիվ Կովկասյան ռազմաճակատում տարած հաղթանակների, պարտված ցարական Ռուսաստանը պարտված պետության վիճակի մեջ զրեց Թուրքիային և կարողացավ համեմատաբար տանելի պայմաններով հաշտություն կնքել, կշեռքի նժարին Սևաստոպոլի դիմաց գնելով Կարսը:

Հարկ է նշել, որ արժևորվոր այս դրոժում տեղ ևս պտի նաև որոշ թիրություններ: Աշխատությունը շուրջ ընդհանուր ամփոփում, շեն ընդհանրացվում հեղինակի մտքերը և եզրակացությունները: Շահեկան կլինի որոշակի բացահայտել հայ ազատագրական մեքի նպատակամղումները, դրսևորումները՝ կապված Ռուսաստանի և նրա վարած քաղաքականության հետ: Գծվար է համաձայնվել հեղինակի այն պնդման հետ, թե XVІІІ դ. վերջին հայ ազատագրական շարժման մեջ օսադմնավորվում էր երրորդ՝ դեմոկրատական ուղղությունը, որի գլխավոր ուժը աշխատավոր գյուղացիությունն էր (էջ 22), որը պայքարում էր ոչ միայն օտար, այլև սեփական շահագործողների դեմ: XVІІІ դ. պայմաններում դեռևս նման խնդիրներ առաջադրող հոսանք չէր կարող առաջ դալ, քանի որ առաջնահերթ խնդիրը օտարերկրյա լծի թոթափումն էր: Դեմոկրատական ուղղության կրողը գալուստահայ բուրժուազիան էր, որի առաջադրած խնդիրներն ինչ-որ չափով համընկնում էին աշխատավոր գյուղացիության շահերին: Համաձայն շենք: հեղինակի նաև այն պնդման հետ (էջ 21), որ հայ ազատագրական շարժման մեջ գոյություն է ունեցել ազնվականական-արիստոկրատական ուղղություն, որի ներկայացուցիչներն են եղել Ռուսաստանում ապրած հայ յործիչները: Ռուսահայ գաղութներում հայ զործիչները, պատկանելով բուրժուազիային, չէին կարող ազնվականական պահանջներ առաջադրել:

Ցավոք, գրքում տեղ են գտել նաև որոշ փաստական անճշտություններ, անունների տարբերություններ, ինչպես օրինակ, Վ. Գ. Դելյանով (էջ 40), պետք է լինի՝ Դ. Ա. Դելյանով, Արդուտինսկի-Դուգոբուկով (էջ 116), պետք է լինի՝ Արդուսյան-Նրկայնաբազուկ, Ուգուլի (էջ 149), պետք է լինի՝ Ուգուլի, Սուրբ Ստանիսլավսկի երկրորդ աստիճանի (էջ 185), պետք է լինի՝ Սուրբ Ստանիսլավի երկրորդ աստիճանի, Դիդոր (էջ 92), պետք է լինի՝ Տեկոր, Կարսի եպիսկոպոս Գրիգոր Ավագյան (էջ 248), պետք է լինի՝ Աղվանյան, Բեռլինի կոնգրեսը բացվեց 1878 թ. հունվարի 13-ին (էջ 284), պետք է լինի՝ հունիսի 13-ին և այլն: Սրանք, իհարկե, վրիպակներ են, բայց գերադասելի կլինի խուսափել:

Ա. Մ. Պողոսյանի գիրքը կարևոր է այն առումով, որ մեր հասարակության ուշադրությունը կրկին բեռնում է ռուս և հայ ժողովուրդների պատմական բարեկամության անմոռաց դրվագներից մեկի՝ այն համատեղ պայքարի վրա, որ մղել է հայ ժողովուրդը ռուսական բանակների հետ թուրքական բռնապետության դեմ հանուն իր ազատագրության: Այդ առումով գծվար է գերազանցատել աշխատության կարևորությունն ու այժմեականությունը:

Վ. Ա. ԴԻԼՈՅԱՆ

Պատմական գիտությունների բեկնածու

ԲՈՎԱՆԴԱԿՈՒԹՅՈՒՆ

ՀՈԴՎԱԾՆԵՐ

Հ. Խ. Դ ա ռ թ ի ն յ ա ն—Անդրկովկասը «Կոմունիստական ինտերնացիոնալ» ամսագրի էջերում (1919—1921 թթ.)	3
Ս. Ս. Մ ե լ ի թ յ ա ն, Հ. Բ. Ա ու թ ե լ յ ա ն—Մրցող կոնստրուկցիաները գիտության լեզվում	12
Ա. Կ. Ջ ա ռ յ ա ն—Վիեննական Սեցեսիոն	25
Ս. Ջ. Գ ե ո Ր ղ յ ա ն—Րաֆֆին և կնոջ ազատագրման հարցը	38

ՀԱՂՈՐԴՈՒՄՆԵՐ

Ա. Մ. Ա ն թ ո ս յ ա ն—Աշխարհարարի ըզձական, պայմանական, հարկադրական եղանակների առաջացումն ու զարգացումը	46
Ա լ և Բ ո ս ա ն զ Ր ա Ն Ե Ր Ե մ յ ա ն—Հայաստանի V—VII դդ. ցմբեկավոր կառույցների նախագծման սկզբունքների մասին	56
Ա. Ե. Ս ա Ր զ յ ա ն—Նախդրավոր յայերը հունգարերենում	83
Ա. Մ. Մ ի ն ա ս յ ա ն—Խայրամի քառյակները օտար լեզուներով	90
Ա. Շ. Մ ն ա ջ ա կ ա ն յ ա ն—Երբ այլ կերպ են մեկնարանվում փաստերը	100
Ա. Յ ա. Կ ա կ ո Վ կ ի ն—Հայկական գեղարվեստական արժաթագործության XI դ. հուշարձան	108

ԳՐԱԽՈՍՈՒԹՅՈՒՆ

Վ. Ա. Դ ի լ ո յ ա ն—Ա. Մ. Պոլոսյան, Ռուս-հայ բարեկամության պատմությունից	117
--	-----